



Løyve for Giske kommune til mudring og sprenging i Gjøsundet

Løyvet er gitt i medhald av [Lov av 13.mars 1981 nr. 6 om vern mot forurensninger og om avfall](#) § 16 og [Forskrift av 01.06.2004 om begrensning av forurensning](#) (forureiningsforskrifta) kapittel 22 om mudring og dumping i sjø og vassdrag. Det er satt vilkår etter forureiningslova § 16. Løyvet kan ikke nyttast før det føreligg naudsynte løyve eller klareringar etter plan- og bygningslova, hamne- og farvasslova og kulturminnelova.

Verksemda må på førehand avklare skriftleg med Fylkesmannen i Møre og Romsdal endringar den ynskjer å foreta i forhold til opplysningar gitt i søknaden eller under sakshandsaminga som kan ha miljømessig betydning.

Løyvet gjeld frå **dags dato** og er gyldig fram til **31.05.2023**.

Bedriftsdata

Verksemrd	Giske kommune
Gateadresse	-
Postadresse	Valderhaug 4, 6050 VALDERØYA
Org. nummer (bedrift)	964 980 721
Lokalitet for tiltaket	Gjøsundet/Gjøsund fiskerihamn
Gards- og bruksnummer for tiltaket	-
Koordinatar for tiltaket (UTM 32)	X: 351996, Y: 6936509
Kommune tiltaket utførast i	Giske

Fylkesmannens referansar

Løyvenummer	Anleggsnummer	Risikoklasse ¹
2020.0325.T	1532.0051.01	4
Tillatelse gitt:	Endringsnummer:	Sist endra:
09.09.2020	-	-

Christian Dahl (e.f.)
fagleiar

Thomas Aurdal
overingeniør

Dokumentet er elektronisk godkjent

¹ Miljømyndighetenes system for beregning av hyppighet av frekvensbasert tilsyn, der risikoklasse 1 er høyest og 4 er lavest.



Endringslogg

Endringsnummer	Endringar av	Punkt	Kommentarar
-	-	-	-

1. Verkeområdet til løyvet

Løyvet gjeld mudring av om lag 255 000 m³ massar ved Gjøsundet/Gjøsundet fiskerihamn i Giske kommune, inkludert sprenging ved behov.

2. Generelle vilkår

- 2.1 Tiltakset må gjennomførast som angitt i søknad datert 20.02.2020, og i tråd med revidert kart send inn 08.09.2020, dersom ikkje noko anna går fram av løyvet, andre vedtak eller på anna måte er avklart med Fylkesmannen i Møre og Romsdal.
- 2.2 Forureiningsmyndigheitas vilkår skal ikkje vere til hinder for at andre myndigheter kan stille krav med heimel i anna lovsgiving.
- 2.3 Tiltakshavar er ansvarleg for at vilkåra i løyvet vert overheld. Tiltakshavar plikter å orientere den som skal gjennomføre tiltaka om dei vilkår som gjeld, og om dei restriksjonar som er lagt på arbeidet.
- 2.4 Forureiningsmyndigheita, eller dei den gjev mynde, skal til ei kvar tid ha adgang til området for inspeksjon.
- 2.5 Fylkesmannen kan oppheve eller endre vilkåra i løyvet, sette nye vilkår, og dersom det er naudsynt trekke løyvet tilbake, dersom tilhøve gitt etter forureiningslova § 18 er til stades. Fylkesmannen har på det same grunnlaget rett til, på eit kvart tidspunkt, å stoppe arbeidet.
- 2.6 Dersom det viser seg at dei miljøbeskyttande ikkje fungerer etter hensikta, kan den ansvarlege med ein gong verte pålagt å sette i gang ytterlegere tiltak.
- 2.7 Ved mistanke om eventuelle funn av kulturminne undervegs i arbeidet skal arbeida stansast og Bergen sjøfartsmuseum kontaktast.

3. Internkontroll, beredskap og varsling

- 3.1 Tiltakshavar skal utan opphald varsle Fylkesmannen om alle unormale tilhøve som har, eller kan få forureiningsmessig betydning.
- 3.2 Tiltakshavar plikter å ha eit oppdatert internkontrollsysteem, jf. *Forskrift om systematisk helse-, miljø- og sikkerhetsarbeid i virksomheter* (internkontrollforskrifta) av 6. desember 1996. Internkontrollen skal mellom anna sikre og dokumentere at verksemda overheld krav i dette løyvet, forureiningslova, produktkontrollova og relevante forskrift til desse lovene.



- 3.3 Tiltakshavar plikter å gjennomføre tiltak for å unngå, eventuelt redusere risikoen for akutte utslepp frå all aktivitet knytt til dette tiltaket. Slike tiltak skal vere basert på ein systematisk gjennomgang av alle element i tiltaksaktiviteten.
- 3.4 Den ansvarlege skal sørge for å ha en naudsynt beredskap for å hindre, oppdage, stanse, fjerne og redusere verknaden av akutt forureining for all aktivitet, jf. forureiningslova § 40. Beredskapen til den ansvarlege skal stå i eit rimeleg forhold til risikoen for akutt forureining og omfanget av skadane og ulempene som kan inntreffe. Beredskapsplikten inkluderer også utstyr og kompetanse til å fjerne og redusere verknaden av ei eventuell forureining.
- 3.5 Ved akutt forureining eller fare for akutt forureining som følgje av verksemda, skal den ansvarlege varsle etter *Forskrift av 09.07.1992 om varsling av akutt forurensning eller fare for akutt forurensning*. Melding om akutt forureining gjerast til brannvesenet, **telefon: 110**. Kystverket har 24 timars vaktberedskap og får meldingar frå brannvesenet om akutt forureining.

4. Mudring og sprenging

- 4.1 Fylkesmannen skal varslast når arbeidet startast opp.
- 4.2 Tiltaket skal utførast i tråd med avgrensa område som vist i revidert kart vedlagt e-post til Fylkesmannen av 08.09.2020.
- 4.3 Det skal nyttast metodar for mudring som minimerer risikoen for spreiing av partiklar og forureining.
- 4.4 Massane som takast opp frå Gjøsundet kan nyttast til utfylling ved industriområdet på Gjøsundneset som skildra i søknaden. Massane som takast opp frå området ved båthamna må betraktast som forureina og plasserast nedst i sjøfyllinga/deponiet. Desse lettare forureina massane skal dekkast til med resterande, reinare massar.
- 4.5 Tiltaket skal utførast under passande vind- og bølgjetilhøve for å redusere uheldig spreiing av partiklar.
- 4.6 Ved eventuell sprenging i Gjøsundet skal det først detoneras ei mindre ladning for å skremme vekk eventuell fisk frå området før hovedladninga detoneras.

5. Kontroll og overvaking

- 5.1 Det skal gjennomførast kontroll og overvaking av tiltaksarbeidet etter eit kontroll- og måleprogram. Kontroll- og måleprogrammet skal inngå i verksemda sitt internkontrollsysten. Programmet skal vere tilstrekkeleg omfattande til å avdekke eventuell ukzeptabel spreiing av forureining under tiltaket.



5.2 Turbiditetsmålingane skal gje eit generelt mål på partikkelspreiinga under mudringstiltaket, men også ha fokus på at det ikkje skal vere uakseptabelt høg spreiing av partiklar til naturverdiane vest for mudringsområdet. Under anleggsperioden skal det kontinuerleg gjerast målingar av:

- Turbiditet i minst ein referansestasjon i området som ikkje er påverka av anleggsarbeidet.
- Turbiditet i minst ein målestasjon nedstraums som er påverka av anleggsarbeidet og som maksimum ligger 50 meter frå staden der det arbeidast.

5.3 Grenseverdien for turbiditet settast til 10 NTU over turbiditet på referansestasjonen. Ved målingar over dette i ein periode på 15 minutter, skal det settast i verk tiltak for å avklare årsakssamanheng. Dersom dei uakseptabelt høge målingane skyldast interne tilhøve, skal arbeidet stansast straks og naudsynte tiltak gjennomførast. Prosessen kan ikkje starte opp før turbiditetten er nede på stabile nivå under grenseverdien. Rutinar og eventuelle tiltak skal skildrast i internkontrollen.

5.4 Det skal først logg over resultat frå overvakinga, og mengder og tidspunkt for opptak av muddermassar. Loggen skal som et minimum også innehalde eventuelle episodar med uakseptabelt høge verdiar og korrigerande tiltak. Loggen skal vere tilgjengeleg ved eventuelle tilsyn.

6. Rapportering

6.1 Det skal sendast ein sluttrapport til Fylkesmannen innan 6 veker etter at anleggsarbeidet er avslutta. Rapporten skal innehalde:

- Kort skildring av tiltaket og utført arbeid
- Resultata frå turbiditetsmålingane
- Eventuelle episodar med uakseptabelt høge målingar, og korrigerande tiltak.